

Stáhtaráđi ásaĥus

astoáiggeguolásteami sálašalmmuĥusas

Stáhtaráđi mearrádusa mielde ásaĥuvvo guolástanlága (379/2015) 62 a §:a 3 momeantta vuodul, dakkárin go dat lea lágas 448/2023:

1 §

Guollešlájat ja -nálit, mat almmuĥuvvojit

Astoáiggeguolásteami sálašalmmuĥusa galgá bargat čuovvovaš guollešlájain ja -náliin:

- 1) luossa;
- 2) jávreluossa;
- 3) dápmot;
- 4) ággaras;
- 5) rávdu Kuolimos ja Saimaas sihke eará sajis Vuoksi čázadágas (Čuovus 1);
- 6) soavvil sisčázadágain govdodatgierddu 65°00'N máttabealde ja mearas;
- 7) ruoššaluossa.

2 §

Almmuĥusa hápmi ja almmuĥeami áigemearri

Sálašalmmuĥusa galgá bargat elektrovnnalaš bálvalusa bokte, Luondduriggodatguovddáža nannen skoviin dahje telefavnain.

Sálašalmmuĥusa galgá bargat farggamusat, goittotge manjimustá 14 jándora siste guoli bivdimis.

3 §

Diedut, mat addojit almmuĥusas

Sálašalmmuĥusas galget leat almmuĥangeatnegasvuoda biirii gullevaš guđege bivdo-juvvon dahje lassisálašin ožžojuvvon guoli oasil čuovvovaš diedut:

- 1) guolásteaddji namma, riegádanáigi ja čujuĥus;
- 2) guoli šládja;
- 3) guoli guĥkkodat;
- 4) diehtu buoideveavssi čuohppamis;
- 5) bivdobeavemearri;
- 6) bivdobierggas;
- 7) bivdoguovlu;
- 8) diehtu guoli vejolaš luovus luoitimis.

Jos guolástanmátkkiid ordnejeaddji bargá sálašalmmuĥusa áššehasa dahje áššehasjoav-kku sálllaš ja bivdodáhpáĥusas iešguđege guolástanreaissu mielde, galgá son almmuĥit 1 momeantta 2–8 čuoggáin dárkkuĥuvvon dieđuid.

Dieđu buoideveavssi čuohppamis galgá almmuĥit dápmoha, luosa ja jávreluosa buoĥta.

Luovus luiton guolis galgá almmuĥit guĥkkodaga uĥcimustá viđa sentte dárkilvuodain.

Ruoššaluosa buohta galgá almmuhit dušše 1 momeantta 1, 5 ja 7 čuoggáin dárk-kuhuvvon dieđuid ja guliid lohkomeari.

4 §

Bivdoguovllu almmuheapmi

Sáivačázadagain elege sisčázadagain galgá almmuhit jávrri, joga dahje ádjaga dárkilvuodain. Dan lassin galgá almmuhit dan gieldda, man viidodagas guolásteapmi lea dáhpáhuvván.

Nuortamearas sálláša galgá almmuhit riikkaidgaskasaš mearradutkanráđi statistihkaid geavahan smávvaruvttuid mielde (Čuvvosat 2-4). Dan lassin galgá almmuhit dan gieldda, man viidodagas guolásteapmi lea dáhpáhuvván.

Duortnosjogas ja dasa golgi oalgejogain sálláša galgá almmuhit avádagaid ja gielddaid mielde čuovusin leahkki kárta vuodul (Čuovus 5).

5 §

Almmuhusa eatnandiedalaš heivehansuorgi

Dát ásahus heivehuvvo guolástanlága (379/2015) 2 §:s dárkkuhuvvon čáhceviidodagain. Ásahus ii goittotge heivehuvvo guolásteamis Deanu čázadagas Suoma ja Norgga gaskkas dahkkon soahpamuša (SopS 42/2017) čuvvosis 1 dárkkuhuvvon Deanu rádjajohkaoasis, luosagoargŋunguovllus iige Deanu čázadaga čázadatguovllus.

Go Njávđánjogas guolástuvvo, almmuhusa galgá bargat Suoma bealde goddojuvvon sállášis.

Go Duortnosjogas guolástuvvo, galgá bargat almmuhusa Suoma bealde gáddái bukten sállášis, dahje sállášis, mii lea Suoma bealde guolásteamis ožžojuvvon.

6 §

Fápmuiboahtin

Dát ásahus boahdá fápmui 1 beaivve ođđajagimánus 2025.

Helssegis 5.12.2024

Eana- ja meahccedoalloministtar Sari Essayah

Guolástanrádđeolmmoš Eija Kirjavainen